

題
跋
備
考

題跋備考

荻野藏

荻野藏

易經

柳菴栗原信光

手錄

已亥夏余西遊寓乎平安客舍日々訪求曠書於古剎舊觀戴星以出晷星以歸焉既贖古墨寶翰時炎熱如鑊中困睡不知為何狀也偶有客問曰子每日所縱觀先賢心畫古德盛音能盡記乎還鄉之日同學交游有相尋則安得一日二日盡之邪夫如之何余有感於斯便乃懷翰握筆隨摸隨記歸則納於旅笥出則得於日日而無慮七旬堆然為冊矣同學交游果問其所觀時々出示之或

將借去多辭以無副然或有懇求切迫不可辭者
乃予自撫摸一本以為副且記所見以附焉

梅尾顯教藏開封

自六月二十一日至
二十七日九七日

梅尾山有禪堂院藏有石水院藏有十無盡院藏
有三尊院藏有心蓮院藏然禪堂院藏中分為顯
密二教藏藏中書冊盡是明惠上人遺書先聖

皇帝崇明慧上人重其遺聖教上人口澤芬馥存焉
使御室宮法大王封護之是歲梅尾寺年預請以
啓緘大王乃令真光院僧正鑽之焉時余寓於梅
尾得傍觀而記焉

陪從遠賴書寫五部大乘經

大方等大集經卷第八

予自校合書寫了 遠賴

予自書寫校會

上件五部大乘經始從永元四年

二月廿六日

彼岸第二日

至于建保二年

二月十八日

德序初日

惣六十年之間

雖或沉重病或忙公務每日未閑
筆今日終其功而寂後威儀所聞
此事相續為不斷絕自今日又書
馮始之自他善根是則勇猛是

則精進又云我常知衆生行道
不行道我等利益既在即生
何期來世願始自今世來
未際世中值遇大乘離此
妙典爭覺知佛恩之貴濟度
衆生之拙哉

尚充大恩教釋迦牟尼世尊
生々世々值遇頂戴

於此八部妙典者所奉納我所

明惠御房御經藏也

新發沙弥正辨

五部大衆

遠賴書寫五部大衆經全函藏於法鼓臺紙背捺
五部大衆墨記然未知遠賴為何等人也及閔涅
槃經第四十卷跋初知為正辨法師矣依檢譜牒
大織冠鎌子九世曰定方世稱三條右大臣右府
子朝賴官左大將朝賴子為輔官權中納言為輔
三子說孝官左大辨說孝三子定賴官讚岐陸奧
上野播磨等守定賴子利定官大藏少輔利定子
知定官兵庫頭知定子時定官下野權守位從五
位下初為陪從時定子賴方官雅樂寮頭位從五
位上娶笛師右近將監大神基政女生男名憲賴

即是遠賴父也遠賴實為笛師基政外曾孫也此
經從承元四年至於建保三年手自書寫校合二
月十八日終功以藏於明惠上人經藏則知逮乎
今日既且六百二十五年韜光於白雲石水之際
風塵不相及紙墨薰芬如一日然矣宜尤貴重也
時檢故紙得遠賴淨衣寫經像稿本紙背有治承
四年庚子七月一日入壇大阿梨付屬三方拈字
此像蓋治承年所寫先於承元三十一年或以治
承年故紙寫像乎未得辨其當否聊錄所見以誌
來者云爾

大方廣佛華嚴經卷第六奧書

嘉曆才了曆黃鐘下句
假前坊水泚
菩提奉書寫時也繩床樹下清風
冷石水院前白雪深

家老 十歲

七子昔侍青宮新宴賦詩予
乞老拙兩山隱居菴室
中書程奉書
寫佛典懷舊忠慈慕後
難禁
奉轉後人必不多
三有出也

己亥孟秋余寓於梅尾時方便智院閣梨語云吾
山有稱大篋笥者收五部華嚴實文曆之舊物也
然世未多知之矣余請見之且讀此經偶得此跋
以考之嘉曆前坊邦良親王元年三月三日崩乘
基大納言基嗣卿末子仁和寺僧功德院法印是
也或云基嗣長男基定子未詳其實也基嗣父名
師家壽永季元曆首攝政官內府位正二位師家
父基房世稱松殿攝政乘基身為攝政孫族望顯
於當時以故侍於東宮也乎搃于跋其生為延慶
二年己酉其七年昔謂元應二年時歲十二侍宴

獻詩雖未知其詩之品格然在妙年而其材雋嶷
可推知也其十八歲悼春宮長逝遁逃塵緣而隱
乎梅尾其精神忠烈可仰感也乘基遁於梅尾也
蓋有故矣松殿攝政兄謂中殿關白大相國諱基
實生普賢寺攝政關白諱基通初從石水於明惠
上人聞法數次終營佳城于深瀨焉普賢寺公生
猪隈攝政關白大相國諱家實又數詣于石水尋
先公遺蹤焉還築壽宮于深瀨焉猪隈公生岡屋
攝政大相國諱兼經追先公芳躅從九原于二公
並作靈宮於舊塋兼奉養塔頭而有_大勲施也矣

乘基於諸公為世親也不安後于此乎跋所謂繩
 床樹謂華宮殿西一株松樹蟠窟筵坐有便依名
 為石水院在金堂東影堂北傳稱後鳥羽上皇便
 室結構如舊今猶存在焉此一聯雖不太佳然比
 之於俊基資朝諸人作則猶添一線矣詩言志也
 其人忠且直也然釋書僧傳絕筆不載矣塵堆埃
 積久逃乎西山以暗蹤於石水至于發笥而顯光
 可不謂奇乎大篋笥方量別記不贅錄矣

丹波雅康虛空藏經全部

大集大虛空藏菩薩所問經卷第三

一校

長治元年五月十二日

聖持經內口清

摺水以爲推康

按譜牒雅康忠康子官針博士大舍人頭典藥頭
 位正四位下其先出千後漢靈帝乘桴歸化居於

丹波國矢田郡因氏トク為十二世孫名康賴永觀二
年十一月廿八日撰進醫心方卅卷其術譽溢於
天下矣康賴子重明重明子忠明改賜姓丹波朝
臣忠明子雅忠雅忠子忠康雅康供養此經長治
元年距永觀二年實一百二十一年其間歷九代
天子五世父祖長治三年即嘉承元年大法師重
進未考蓋是丹波國星尾山寺僧乎

華嚴經五十要問答上卷

建久五年三月廿三日申尅許文宰於改周
系嘸清波抄收房之次以書奉之 抄具元慶之序
食粟之次書之

同廿音一板

此卷上下二冊明惠上人真蹟按年譜上人此歲
二十二去年上人歸紀伊湯淺栖原白上峯焉宰
相阿闍梨名成賴父權中納言顯賴母中納言俊
忠女兄桂大納言光賴及參議左兵衛督惟方祖
父權中納言顯隆其八世祖內大臣高藤延喜外
祖世皆悉知為成賴官參議正三位承安四年正
月五日解冠帶更布衲世号高野宰相入道源平
盛哀記載此入道解源中納言雅賴舍人某夢豫
知鈴轄權歸乎藤相家風矣蓋為當時人然與
上人周旋如是此際上人在高野又依乎此跋知

華嚴經五十要問卷下卷

康久五年壬月廿八日訖書王壽殿事書之畢
同九月一日一寫本了後

王壽殿未詳疑是宰相阿闍梨子弟

又上卷

康久六年八月十七日お神儀与十九日

一寫本了

按年譜此歲上人廿三歲後紀伊歸於高雄居乎
十無畫院十無畫院今現存焉蓋當時梅尾高雄
一境也故稱神護寺十無畫院

又下卷

建久六年卯月十六日良冠中坊而書寫了
迦葉教化七日滅休九論議經也尺如似法道期
慈尊也依有優游於捨也依之花嚴經回卷
書寫切德和卷尤廣大也通令學更未法万年
遠到无上菩提

抄年昔高野山住持今神儀寺隱大光惠房成覺

同年八月七日以傷本一掃也

光惠房成覺藤原昌隆子昌隆官美作權守少納
言從五位下父右京大夫大皇太后宮權大夫少

納言從四位下家隆祖關白內大臣師通世稱後
二條關白昌隆弟隆海即高野座主任傳法院初
住仁和寺為權大僧都法印成覺本名忠豪叙法
眼其住高野者從叔父也乎

橋在列東塔法華堂壁畫贊

天慶七年十月登天台山剃除首髮法号
尊敬倍名在列也今案出家以後所作欵

天慶九年八月之北東塔法華三昧堂壁畫

丈師亦贊作者梯
在列

中天竺善無畏三藏

宏矣无畏種是刹利榮辭中天位登上地瞻彼
碧空浮此金字妙成就經且譯且秘

此冊粘葉七紙許蓋五六百年上書未詳其筆者
 東塔法華堂謂比叡山也在列大知權守秘樹子
 而官為彈正少弼祖父茂生為上總介曾祖父岑
 繼為中納言高祖父氏公為右大臣氏公父清友
 為仁明外祖以故為贈太相國正一位清友父奈
 良磨其父諸兄初名葛城王為敏達天皇四子在
 列實為敏達九世胤矣譜牒落法号不錄也又無
 剝除首髮年月則此標題數字足以補史之闕文

八名普賢陀羅尼經附管色本

貞元三年六月廿七日以木工授頭 孝道

本 音博士 書寫早於音曲之先年有傳

習也

佛子行遍

中夕五千六

梅尾
地蔵院

此經唐三藏法師玄奘譯一卷佛子行遍書行遍
延喜十七子西宮左大臣諱高明裔也西宮長子
忠賢生守隆為從四位上右馬頭守隆生長李為
從四位下右馬頭長季生盛長為左衛門佐盛長
生盛家為攝津守盛家長尊為僧叙法橋長尊
生任尊為僧任仁和寺任尊生行遍又為僧住仁
和寺後為法務一長者大僧正頗顯揚乎緇林又
善和歌載於新古今集孝道為樂所預官尾張守
又任木工推頭位從四位下善彈琵琶著知國抄
與明慧上人友善後為僧法名知觀父名孝定初

孝忠官淡路阿波尾張等守任木工頭孝定父孝
博世稱琵琶藤三有女子嫁少納言成隆生男孝
博養為子即孝定也或說孝定實六波羅密寺別
當長慶子地藏院梅尾一院今廢其地在三尊院
北禪堂院東今鋤為菜菔瓜蔬園焉

又云新古今集第八載法橋行遍其歌錄七人名
于卒堵婆云見人波世毛渚乃藻塩草書置比太尔
袖曾姜下留流又第十四云名殘遠庭乃淺茅尔留置天
誰故君加任憂加流良武第十六云月明夜見定家、
問好歌從何時答云弱年隨順西行薰習所教且

談西上人遺事而還厥明贈定家可怪歸程月既
クニカキムカシカダリニ 暗相談ヨヤフケヌラン 舊日夜將深又載一首有憑天 今行末遠
 待人也過月日遠將不歎ナケカサルラム 新古今集作者三百九
 十六人其墨痕存於今若不為多也然此卷全壁
 且附管色鳥可不謂希觀之珍乎

華嚴經 卷

承久二年二月十日午時於高山寺

寫畢

光嚴宗光經

生々世々值遇此經

廿年卅九

親修行成元上道

又 卷

承久二年二月十四日子刻於高山寺

山寺松門書

願於永劫值遇此教頂戴受持

長持長失終以爲重 親脫法門

花嚴宗光經 廿九

兼久二年二月十七日夜宣時書高山寺也

寫字

願以結緣種子力 世世值遇此法

如普在處善財也 諸人元畫於脫門

花教字未字光經卅九也


此五部大衆經相傳云山城守源廣綱所喜捨焉
寫以五色牋香水軸金塵紙標每帙插檀木貝文
籤崇敬厚著字修補矣廣綱佐木太郎九衛門
尉定綱長子而源三秀義孫也奉仕後鳥羽上皇
予北面為九衛門尉補檢非違使尉建保四年閏

六月廿六日叙從五位下累進山城守承久三年
奉上皇旨發兵將討北條氏然王師不振宇治勢
多不保王輦西幸於梅尾七月一日廣綱囚於東
軍其弟信綱監護焉二日殺之廣綱男四人長惟
綱稱万木孫太郎後補九衛門尉與父從軍殺焉
次為綱稱葛岡二即後補左兵衛尉從軍於宇治
死焉次親綱稱葛岡三郎後補式部丞叙從五位
下次勢多加九年尚幼侍於仁和寺大王亂後捕
之使叔父信綱殺之廣綱子弟死於王事殆殲焉
然猶有幸而免之難者今世万木葛岡氏其後也

筆者光經宰相定經入道蓮位五子而官宮内少
輔位從五位上剃除首髮為僧住于高野山云依
此跋其生于壽永元年壬寅也其父定經遁世在
於白治九年十一月十五日則光經十八歲也承
久二年明惠上人住石水院之時而其揭示板今
猶存首記阿留邊幾夜字和次酉禮時成行法亥
坐禪子丑寅三時休息云々則知光經雖子丑寅
不休息矧佗時乎其强有力殆過於上人矣然釋
書僧傳不毫及也為可憾馬故余殊錄出以標示
云

光經善和歌山城名勝載貞應二年三月十七日
前右少辨光俊會詩歌客於勸修寺同賦花開古
寺中句意光經歌云自花主フツカラハヤアルシト止トハルラン將問古野寺無住フルキノチラハ
人又聞勸修寺僧正成寶造水閣於池邊會絃管スルヒトモナシ
之人於此作歌寄贈云遣情池乃汀乃松風オモヒヤル將タシキヤ
比絲竹乃スラ敲又奉宮道明神歌二首云霜枯毛春
波綠乃ミセヌコロカナ芦尾山誓乃霞不為見比哉其二洩寸奈
與我古寺ル契阿留宮道乃神乃廣ス支惠ル

大智度論卷第八十



建久四季六月廿五日於神護寺

書寫畢性憲

文句

大智度經卷第九十三

書寫畢性圓

四文已了

右大智度論全帙蓋性憲性圓二人所寫也性憲未考性圓伊豆守信方子右中弁光房孫而宰相入道蓮位從弟也於光經者為再從父弟

高天寺中林院一切經內也一部五十卷弘法大師御一筆末代重寶誠是可惜視神之方便可仰可信為自他法界平等引捨之

承平六年七月十五日

五百本末云

紙數廿七枚

右四分律一卷黃紙墨色如濕點畫飛動精神沈著行間有截取一二字處矣想無學人為祈請敬咽之乎接縫有白印文云白□太□高天寺在大

和國葛上郡金剛山半腹而或書高間寺蘇我馬
子所建也中林院今無五百木末呂蓋五百城麻
呂而承平六年從高天寺中林院傳領此卷人也
承平六年距大師入定將一百二年而逮乎今年
既九百四年也其跋數字以白粉和膠水以書焉
其藏於梅尾也未知其誰將來矣蓋明慧上人
所傳得與或疑岡屋禪閣所置亦不可知也

建仁刻本淨土三部經

佛說无量壽經卷下

依法上人勸進為自他平等往生淨土殊
凝信心終書寫功

建仁弟四曆初月下旬候

通議大夫藤原朝臣伊經

右刻鏤精巧紙墨完良標軸古雅可加莊敬也法
上人謂法然上人上人時在小松御堂而隆寬律

師受選擇集之歲也上人囑寬云余不死莫傳於世焉然寬刻以傳于世以故元久三年比叡山僧上款狀請燒選擇集外板倭事始據以為刻板之初矣然此三部經刻成于建仁四年則與選擇集隆寬所刻乎或西山善惠上人所刻五部大乘經天台六十卷淨名涅槃疏菩薩戒疏顯戒論顯揚大戒論等之比乎通議大夫即正四位下伊經宮內少輔伊行子權大納言行成七世孫也官中務權少輔皇太后宮亮善書又善和歌嘉祿三年正月三日卒

先賢圖像卷

以勸修寺大納言阿闍梨山房 出寫此交

多德壽

右圖像高野大師真雅宗睿源仁以下諸先德若干人附小傳未詳其畫成於何人也卷末載聖像大異于世所傳而却與大學寮本似同矣勸修寺大納言阿闍梨者藤原光賴入道光然也父九條

民部卿顯賴母中納言俊忠女光賴官檢非違使
別當左衛門督權大納言長寬二年八月十四日更
衣薜蘿薙除髮鬚而名光然時歲四十一人稱勸
修寺大納言入道蓋其千世祖三条右府定方造
勸修寺後其孫技能嚴先志以不改其奉養故乎
光賴家在葉室及鳥羽葉室即京西而或稱桂里
人又稱桂大納言入道承安三年正月五日寂行
年五十高野宰相入道者光賴弟也玄證未詳世
出傳云覺鑊上人資也善畫其粉本數千枚今猶
存乎柵尾

佛頂尊勝陀羅尼經

承久四年三月三日丑刻譯於法隆寺

禪房少白筆

力過生空定出難生死能大菩提心

已矣平路哀寫之也

梅 少海幸二天 聯哲厚
 名 保 冥 世 中 以 計 節
 一 本 一 以 乃 出 已 好 生 開

或署法眼公玄，攷今脉圖，有九條三位光長四子
 長範阿闍梨，次子公玄，法印疑是乎法性寺，在鴨
 河東九條，南今日法性寺大路。

按文意，六月廿二日，當是承久三年京方而被討
 者，奉上皇旨，從於京軍而死也。考其名字，似公玄。

御 下 文
 申 給 華 由 由

付以字万少日里名
此是也

梅小路謂八條坊門南八條北平宗盛平重盛等
家及平相國西八條別業皆在此平三位尔民部
入道圓智圓智名親範位正三位承安四年六月
五日薙除鬚髮以為僧世號民部入道承久二年
九月廿八日寂行年八十四
先達用故紙有為儉也東大寺寫經所請郡國故

紙是也有為追薦也如是經是也源平盛衰記載

藤少將成經以乃父書牘寫經薦冥福可併考也

間讀法印慈什山門權大僧都嘉元僧正資所錄伏見上

皇御中陰記云十月三日今日御月忌也仍有御

經供養儀翻光院宸筆手書後深草院令寫觀音

經又經深法印後光嚴院御中陰以下御佛事記

云經法華料紙翻舊摺寫被翻宸筆裡是也

又考此消息文意如託平三位偶來故屬殿下顧

視之意殿下謂關白蓋光明峯寺道家公也

楞凡綱經盧舍那佛說菩薩心地品卷下

一校

天福元年七月八日已初於西山高山寺如法道場本堂書寫

執事假名比丘長真

長真八條中納言顯長卿六子母中納言俊忠卿女顯
長卿葉室中納言顯隆卿三男不經辨官任中納言名
譽于朝廷以仁安二年薨距天福元年六十二年也

大乘起信論内義略探訖

七勸堂

太賢作

弘長元年 醉十月九日右林尾山一室覺一

神尾山丹波國桑田郡也寺曰金輪明慧上人弟子高
信上人住之植茶所謂茶合金輪寺合子出于此覺一

俗氏源清和之裔小笠原長清承久亂後賜阿波守護十一男行
長號藤崎十郎行長三男長村號高畠六郎六郎娶佐
佐木左衛門尉泰綱女生七男覺一七子也父長村黨
北條時村嘉元三年四月誅殺後於弘長元四十五年
也覺一不可為長村子焉

花叢宗種姓乃抄一卷

寬仁三年二月七日於東大寺北堂西勢二山更房抄了花叢
宗信親因依教先性傳并引勅多且早疏抄要義
所抄也

寬治四年七月廿五日於高野如法房抄了了傳定本
曰八月十七日抄了了

親圓肥前守明通子左大臣武智麻呂兵部少輔親經
九世孫父曰忠親
兄也分脉圖作親經子恐傳寫訛親經以承保二年六
月卒親圓以寬仁三年作此抄其間已五十七年也以
兄為是

定深肥後守義經十男其先閑院左丞相冬詞八男左
丞相良世贈從一位公七子土御門右丞相恒佐七男
內藏權頭懷忠子安藝守邦昌二男丹後守邦恒以治
曆三年卒邦恒二子即義經也定深後叙法橋

寶篋印經記

去應和元年春遊右扶風于時肥前國刺史
稱唐物出一基銅塔示我高九寸餘四面鑄
鏤仙菩薩像德宇四角上有金龍形如馬
耳內各有仙菩薩像大如菜核捧持瞻視之
項自塔中一囊落開見有一經其端紙注云
天下都元帥吳越國王錢弘俶摺本寶篋

印經八万四千卷之內安寶塔之中供養迴向
已畢顯德三年丙辰歲記也文字小細老眼
難見即雇一僧令寫大字一徃視之文字落
誤不足孰讀然而粗見經趣肝動膽奮淚
零涕迸隨喜感悅問弘侁意於是荆史荅
曰由元願文其意難知但當當洲沙門曰迨
天慶年中入唐天曆之抄歸來即稱唐物

付囑是塔之次談之大唐顯德以法天下大
飢黃巾結黨抄劫邊州煙塵旅天殆及封
畿弘侁為大將領天下岳征伐凶黨及九年
比与賊合戰二十四度斬首五万餘級顯德元
年春人旆飢荐為合蟻結蚤食華鄙弘
侁麾其帥旅應響攻擊賊飢不戰立以天
敗乘勝追北至汶水邊浩水頓漲激浪鼓

怒津虜無船賊徒知其巨脫各投深水暴
虎馮河之輩追捕溺斃其數不知幾億方
汶水為之不流自尔以降天下清肅於佛復命
之曰主大喜作九錫命封王吳与越於佛不
幾坐致若干人罪得重病送數月常狂
語云刀劍刺胸猛火纏身展轉反側举手
謝罪爰有一僧告之汝願造塔書寶篋中

經安其中供養香花於佛囑中設件願雨
三度合掌禮謝即得本心隨喜感歎之願
力無極重病忽差于時於佛思阿育王昔
事鑄八万四千塔摺此經每塔入之是其
一本也云云妙哉大國之僧有此優識惜哉
小藝之客无其精勤爰我價募身命訪
求正本京中郊外躡屣遍問適於江郡禪

穿寺得件經其本名多誤然兩本相合
平檢得共終獲其真然後日分轉經終日
无倦夜至誦咒每夜不眠漸經三箇月于
時空中有聲告曰汝於此經殷重渴仰但此
經有兩譯師所持去先譯多除梵本其
後譯者為之具足也其本在伊豆國禪院
天下无二本我常与二十八部大藥又大將

等守護彼經我獨感汝精誠常迴汝過息
告此事于時小僧就國司便訛觸可書贈
彼經之狀遂以康保二年四月十三日送件
經披閱其卷功能絕妙耽弄其文深理深
肝十二分教為礫是經其中如意珠八万法
藏為沙是經其中世磨金一句之味如
醍醐百病万惱一般消滅一字之苑越日月

鐵圍沙界俱時照明非可忽滅重罪速證佛
果者何得見是經典聞斯妙理哉

康保二年乙丑七月廿六日甲午釋道喜記

八万四千基塔銘

吳越國王

錢弘俸敬造

八万四千寶

塔乙卯歲記

栖霞寺塔銘

天下大元帥吳越

國王錢俸伏為

先妣印造七寶

塔永充供養

大唐顯德元年甲 當日本天曆八年甲

日延天慶年中入唐 天曆末時此塔尚未 道喜應和元年春以此塔

天慶九 天曆十 天德四 應和二年 康保四

八年春合戰勝 九年造塔 十年摺強

二月四月十二日此塔經 七月廿三日此塔

至于永曆元年癸 二百五歲

顯德六年 大周世 大宗次上也

日延重入天慶中入唐天曆抄寫未以此塔付虜肥前國司之徑就 略中如多誤於江那禪窟如西中捨得失後持一經與之十月以復主本

於伊豆國祿院以唐本經由流布之

從五位丁平胡良元平 同五年 月任 元宮内大輔

從五位下源相規 天德五年 月任 元氏了亟

正五位下藤原隆臣 天曆二年 五年月 元丹波守

從五位上多治比真人實相 元大曆元年 月任 元大膳亮

從五位上平佐忠 康保三年 月任 元長門守

此寶篋院陀羅尼經永曆九年寫本今現存于梅尾十 无畫院藏讀道喜所記日延以天慶中入唐者實五代

後晉天福開運之際也其歸在於天曆之末則後周世
宗顯德中也錢弘俶造此塔摺此經內此塔中皆日延
聖人所親觀也道喜得之於應和元年春者北宋太祖
建隆二年也然錢弘俶以後漢乾祐元年為元年我天曆二
也則顯德元年弘俶七年也弘俶稱王三十一年抵于
北宋太宗太平興國三年國除此塔傳於我在弘俶十
四年可謂奇也

藤原經臣內大臣高藤長男右馬頭定文子紀伊介信
臣兄也分脉圖落官衙此末記可補闕也

平元平光孝天皇皇子是忠親王三子山城守興我王

三男山城守階行弟越中今方正兄也

搗本紹運錄他
光平且脫官位

以此末記
可補之

多治比真人實相未考

源相規是忠親王七子參議清平延喜十二年賜源朝
臣姓清平四子相規也今脉圖錄撰津守從五位上不
載肥前守民部丞歷任相規子云文雅

平佐忠仁明天皇皇子本康親王二子山城守行忠王
二男紹運錄載正五位下安藝守然落肥前長門之任

允從天曆二年至康保三年十九年際肥前國宰交替
歷レ可辨者獨賴于此未記存而足補分脉紹運錄圖
闕略矣

法花義疏第九

保元二年三月三日巳時許書證山

證圓右少將定秀四子仁和寺阿闍梨也父定秀後拾
遺作者卷第十二戀二題不知今日レ與利疾暮竹乃節
每仁夜者長ナカ加カ礼レ思ヲ保ヲ由レ哉ナ印ヲ行ハ本ヲ作シ定ス
李者誤也定秀父彈正

大弼宰相中將賴定村上天皇皇子為平親王子也證
 圓兄真助仁和寺住侶少僧都其兄賴賢山徒官大僧
 正尋空僧都入室皇慶弟子其兄駿河守國房皆聞于
 世

小木粘葉華嚴經第十五跋

<p>貞永元年七月八日未時書寫了</p>

比立屋明達

并知

同上第廿跋

<p>貞永元年七月五日書寫了</p>

比立屋性明

貞永元年十月十四日書寫

并知

貞永元年七月八日午尅許書寫

并知

真覺

貞永九年十月廿七日未時許為和尙
值遇并末世修行書寫

并知

比屋明行

此花嚴經尾并知而聖教也

--	--	--	--	--

貞永元年後九月廿八日酉尅書寫了

比丘尼戒光

并知

--	--	--	--	--

安貞二年十月十二日書寫為故識蓮坊成公矣

空并

--	--	--	--	--

貞永元年七月二日酉尅書寫了

比丘尼

願心此法書寫習生世受持不忘

大師和尚不離暫時在在值遇奉事

并知

--	--	--	--	--

貞永元年十月八日午尅書寫了

并知

比丘尼理證

貞永九年十月廿日書寫了

信戒并記

此華嚴經全部以印莖紙書寫縹袖金畫雲美麗眩曜
外題金泥字即明慧上人真蹟也相傳云承久亂亡將
敗帥身侵秋霜體傷白刃後其妻妾表其依怙從上人
難滌入於善妙寺者多矣所謂明達性明真覺明行戒

信戒

老禪惠理證皆是也或云明達山城守廣綱妾而勢多
伽凡之母也父云左衛門少志宗之承久三年六月父
死王事於宇治夫戮子殺既失其怙將自投桂水而為
人所抑止為尼僧書寫經卷以資先亡冥糧十二年貞
永元年七月八日放于清瀨川而死行年四十七今觀
此徑即七月八日未時所書寫也其絕口心畫如是然
則其神情可想矣余私稱其節操為貞烈明達禪定尼
或靈薄云明達禪尼貞永元年七月八日善妙寺尼衆
山城守廣綱妻三上氏系圖云左衛門少志宗行父名
宗年後鳥羽院北面女源廣綱妾勢多伽凡母有諷誦文
云一資階老善蘆一敲反哺恩愛蓋謂為夫為子明矣

戒光中納言宗行卿室家而善妙寺本願主貞應二年
請明惠上人營善妙寺移西園寺相國古堂為本堂云
性明後藤右兵衛尉實基女左衛門尉基清妻也初仕
後鳥羽院於東宮祢右兵衛尉局後為基清妻生基成
基成死于王事基清亦戮于鳴瀧於是從明慧上人為
女僧供香奠花以資冥福為任云禪慧推中納言光親
卿室家右大辨光俊朝臣母也父參議定經母大納言
宗房卿女名經子為順德院御乳母叙從三位光親卿
承久三年七月廿三日死於駿河國光俊朝臣配流經

子喪所託亦與諸亡將相室家薙染入于善妙寺時年
卅一然則貞永元年其歲四十二也理證丹後守光氏
母而光親卿妾八幡別當成清法印女也共見於譜牒
真覺明行信戒三尼未詳蓋承久亡將帥之妻妾為尼
者也他日可得而補也嗚呼此二三女僧當家之傾覆
而身困阨乎草莽之際然猶固守其心節以不易其操
比之乎萍蹟泛濫隨水波者則可謂勝之萬一焉然承
久記不錄後世傳者少矣余痛惜之為錄出以傳播于
世庶幾使女流守節之不峻而可為則此題字亦可謂

禪益乎風教也豈謂其文字之沈著紙墨之艷麗乎

大乘本生心地觀經卷第一

元和五年七月三日內出梵夾其月

廿七日奉

詔於長醴泉寺安至六年

二月八日翻譯進上

剎賓國三藏賜紫沙門般若宣梵

文醴泉寺日本國沙門靈仙筆受并譯

語經行寺沙門令暮潤文

醴泉寺沙門少誣迴文

濟法寺沙門嚴英潤文

福壽寺沙門恒濟迴文

惣持寺沙門大辨證義

右街都勾當大德法嚴寺沙門一微言之

都勾當譯經神衛散兵馬使兼正將朝議郎

前行隴洲司功叅軍上柱國賜緋衣臣李

西翔給事郎守右補闕雲騎尉龍衣徐國公臣

蕭俛奉 勅詳定銀青光祿大夫行尚書

工部侍郎充皇太子及諸王侍讀上柱國長

洲縣開國男臣歸登奉勅譯

定勅詳定朝請大夫守給事中充集賢_殿御

書院學士判院事臣劉伯菊奉 勅詳定

朝議郎守諫議大夫知軌使上柱國賜緋衣

做臣孟簡奉 勅詳定

右神策軍中尉莫右街功德使扈從特進行
右裁衛大將軍知內侍肖上柱國公食邑
三千戶第五從直

今所在心地觀經無此跋按元和五年即當平城天皇

弘仁元年庚寅距今天保十年己亥一千三十年也唐

憲宗皇帝

諱純順宗皇帝子

時也醴泉寺在醴泉坊街北之西

志云隋文帝于此置醴泉監取甘泉水供御厨開皇十

二年廢監立寺經行寺在崇化坊東門之北本隋長安

令屈突蓋宅開皇十年邑人張緒市之立為寺大中六

年改龍興寺

大中六年元和五年後四十年宣宗時也

濟法寺在布政坊

北門之東隋開皇二年沙門法藏所立也本梁邨之佛

堂及隋武侯將軍韋和業宅其佛殿隋光德太子之寢

堂太子薨後捨施於此造西禪院房國公蘇威所立
福壽寺未詳惣持寺在永陽坊半以西隋大業三年煬
帝為文帝所立初名大禪定寺內制度與莊嚴寺正同
武德元年改為惣持寺莊嚴惣持即隋文獻后宮中之
號也寺中常貢梨范密景龍文館記曰隋主自立法號
稱惣持呼蕭后為莊嚴因以名寺半以東大莊嚴寺隋
初置宇文改別館于此坊仁壽三年文帝為獻后立為
禪定寺宇文愷以京城之西有昆明池池勢微下乃奏
于此寺建水浮圖崇三百三十尺周回一百二十步大

業七年成武德元年改為莊嚴寺天下伽藍之盛莫與
于此大中六年改聖壽寺寺內有佛牙長三寸沙門法
獻從烏踵國取以歸豫章王暕自揚州持入京隋文帝
改置此寺

華嚴祖師傳六卷

義湘元曉繪今廢棄若納ノ兼康繪能惠法業信福寺院
一華嚴祖師傳納ノ棚納之

御詞 梅尾上人

繪 伝実朝臣

御書

光明寺及
道家云

岡屋及
兼經云

北山及
 equal 云經云

用田御室

所名法 equal 孝及御子

以内

法と教等一

用田御室等

物とくひ等

田等

新羅國の大臣

孝及等

義山の如殿了存ん入

國及友

右八卷の内二巻教札

口承子 西子云行云

元和二年七月改定

菊淵

後信

此繪詞傳世知者鮮矣寬政中紫栗山先生所錄目次
中載之故余寡陋猶得聞之戊戌己亥而回上梅山邈
迨遺于開緘日得見之矣兼康傳記未詳或云大藏少
輔範昌三男兼康也範昌弟曰律師圓暹暹次子法印

實勝即是圖畫十二因縁人也實勝兼康從父兄弟也

互好丹青太有因由或其然身範昌閑院左丞相冬嗣

十四世裔也今高倉家祖意箱禪堂院庫中有眼耳鼻

舌身意六箱也能惠得業内大臣宗能十五子東大寺

得業人稱中納言公仁治四年正月十六日入滅大往

生人分脈圖載之

印本系圖作仁安四年然父公仁安三年六月十八日出家嘉應二年二月十一日薨能惠長兄宗家大納言

文治五年四月廿日出家可參攷梅尾上人明慧上人

人也信實朝臣皆知其世系但承久胤信實抱圖本而

逃於梅尾其書簾凡三四十圍今猶存於梅尾者其終

此山陰之證也其墳于三日坂云寶治二年三月十六日入寂年七十三載在鬼簿如然則以安元二年生承久三年其四十六歲也此說世知者少矣光明峯寺殿下後京極殿下長子少信實十七歲以建久四年生岡尾殿下猪隈殿下子少信實廿四歲以承元四年生北山殿内大臣實宗公二子以承安元年生長信實五歲今西園寺家祖開田御室法助准三宮父光明峯寺殿下母北山殿下女高野大師十七世寬平法皇十三世法燈嫡傳弘安七年十一月廿七日入滅按准后同母兄洞院攝政

以承元四年生其弟普光園院關白以建保四年生其弟圓明寺關白以貞應二年生其弟七条將軍賴經以建保六年生其次有圓實慈源二大僧正准后弟行昭大僧正以寬喜三年生准后當以貞應後寬喜前五六年間生然則少信實又信實以寶治二年物故峯殿下三十三四歲也岡屋殿下後之十一年而薨元正後之五年而薨建長四年也元北山殿先之四年而薨寬元二年此繪詞成在于寬元二年前則法助准后齒益十五六歲之時也矣菊洲上人柵山十无畫院主觀海院奇怡僧都法資也

十八道范本跋

大治元年

五月十九日

書
卷之二

題跋備考

壹冊

大阪市東區安土町四丁目鹿田靜七藏本
明治三十八年五月手影騰寫

明治乙巳冬十月以京都富岡鐵齋藏本一校
同書云

此書栗原柳庵所輯柳庵名信充稱孫之丞
後年剃髮号又樂寬政六年七月廿日生於
江戸駿河臺明治三年潤十月廿八日没于
京都一條大宮西街享年七十三葬洛北柵

尾高山寺子某初住京都後返東京余
屢過其寓居云

鐵齋

